

Svæðisráð Austursvæðis Vatnajökulspjóðgarðs
47. fundur, haldinn á bæjarskrifstofum Lyngási, 2. febrúar 2012

Mættir: Björn Ármann Ólafsson, Sigrún Blöndal, Jóhann F. Þórhallsson, Skúli Björn Gunnarsson, Skarphéðinn G. Þórisson og Einar Kr. Haraldsson. Jafnframt sat fundinn Agnes Brá Birgisdóttir þjóðgarðsvörður.

Dagskrá:

- 1. Dagskrá fundarins og fundargerð síðasta fundar**
- 2. Samgöngur – niðurstaða starfshóps um samgöngur – Austursvæði**
- 3. Veiðar:**

a) Bókun stjórnar Vatnajökulspjóðgarðs:

Kristveig gerði grein fyrir ósk frá Einari Kr. Haraldssyni um fund um veiðar innan þjóðgarðs. Í máli hennar kom fram að þjóðgarðsvörður og svæðisráð austursvæðis hafi haldið utan um veiðimál á svæðinu í umboði stjórnar. Stjórn felur þjóðgarðsverði og svæðisráði að halda vinnunni áfram. Jafnframt er þjóðgarðsverði falið að taka saman yfirlit um það samráð sem hefur átt sér stað og áætlun um áframhaldandi samráð. Stjórn telur mikilvægt að málefni sem tengjast ákveðnum svæðum séu undirbúin í svæðisráðum og komi þaðan til stjórnar.

b) Skeyti Einars Kr. Haraldssonar um veiðimál til formanns svæðisráðs og til stjórnarformanns stjórnar Vatnajökulspjóðgarðs

c) Vinna veiðimál áfram.

4. Önnur mál

Björn Ármann stýrði fundi og setti hann kl. 16.10. Gengið var til dagskrár.

1. Dagskrá fundarins og fundargerð síðasta fundar

Björn Ármann formaður fór yfir dagskrá fundarins. Svæðisráðsmenn undirrituðu fundargerð síðasta fundar sem hafði verið samþykkt gegnum tölvupóst.

2. Samgöngur – niðurstaða starfshóps um samgöngur – Austursvæði

Formaður leiddi umræðu um skýrslu starfshóps um samgöngur í Vatnajökulspjóðgarði. Farið var sérstaklega yfir þau atriði sem tengjast Austursvæði, bæði almenn og sértæk.

Svæðisráð lýsir sig sammála og gerir ekki athugasemdir við eftirfarandi ályktanir sem varða samgöngur, fræðslu og fleira almennt í þjóðgarðinum:

3.1.2 Ákvörðunarvald þjóðgarðsvarða og lokanir vega

3.1.3 Viðhald á stofnvegum og skyldar úbendingar

3.1.6 Fræðsla, leiðrétting á legu vega og útgáfa korta

3.1.7 Gildi almenningsgangna

3.1.8 Göngubrýr

3.1.11 Merking aðkomuleiða á jökulhettuna

3.1.12 Mengun

3.1.19 Takmörkun á akstri einkabíla / aukin notkun almenningsfarartækja

Svæðisráð bókar sérstaklega um eftirfarandi ályktanir starfshópsins:

3.1.9 Hestar í Vatnajökulspjóðgarði

Svæðisráð tekur undir með starfshópnum og leggur áherslu á að aðstæður fyrir hestamenn eru mismunandi milli landsvæða og einnig mismunandi eftir árferði. Ráðið

telur rétt að milda ákvæði stjórnunar- og verndaráætlunar um að hvergi megi ríða annars staðar en á skilgreindum reiðleiðum. Svæðisráð telur að þjóðgarðsvörður og svæðisráð eigi að hafa heimild til að skilgreina reiðleiðir innan síns svæðis og settar verði viðmiðunarreglur um slíkar heimildir. Um ferðir smærri reiðhópa eigi fremur að gilda tilkynningarskylda fremur en leyfisumsóknir. Svæðisráðið setur ákveðin spurningarmerki við hvað liggur að baki því að hækka leyfissskyldu úr 20 í 45 hesta.

Hvað varðar reiðleið yfir í Lónsöræfi tekur svæðisráð undir með starfshópnum að hentug lega reiðleiðar verði fundin í samstarfi hestamanna, Umhverfisstofnunar sem umsjónaraðila með Lónsöræfum, landeigenda, þjóðgarðsyfirvalda og sveitarstjórna.

3.1.13 Sauðakofi

Svæðisráð tekur undir ályktun starfshóps að vegur frá Háslónsvegi að Sauðakofa verði lagfærður og vísar til fyrri ályktana sinna um þennan veg.

3.1.15 Snæfell

Svæðisráð tekur undir ályktun starfshóps um að farið verði í lagfæringar á vegi frá Snæfellsskála og inn á jökli. Tillögur um að bæta Snæfellsleið F909 hafa komið skýrt fram hjá svæðisráði áður enda mikilvægur þáttur í að bæta aðgengi ferðamanna að jökli á Austursvæði.

3.1.16 Stikun

Svæðisráð tekur undir með starfshópnum um mikilvægi stikunar en fyrst og fremst eigi það við um akstursleiðir. Skilgreina þurfi vel hvaða göngu- og reiðleiðir eigi að vera stikaðar og nýta sér GPS-tækni sem mest til að ferla leiðir.

3.1.20 Tjöldun

Svæðisráð tekur undir með starfshópnum um að útfæra þurfi heimildir til tjöldunar betur en gert er í stjórnunar- og verndaráætlun og rýmka þær heimildir. Ráðið vísar þó til þess heimildaákvæðis sem er í áætluninni um að stjórn sé heimilt í samráði við viðkomandi svæðisráð að setja sérreglur um tjöldun á einstökum svæðum.

3. Veiðar

a) Bókun stjórnar Vatnajökulsþjóðgarðs

Formaður gerði grein fyrir bókun frá síðasta fundi stjórnar Vatnajökulsþjóðgarðs þar sem svæðisráði og þjóðgarðsverði er falið að halda áfram vinnu vegna veiða á Austursvæði þjóðgarðsins. Þjóðgarðsverði einnig falið að taka saman upplýsingar það samráð sem haft hefur verið um þau mál.

b) Skeyti Einars Kr. um veiðimál

Svæðisráðsmenn höfðu fengið sent afrit af tölvuskeyti Einars Kr. til Kristveigar stjórnarformanns garðsins með upptalningu á þeim sex atriðum sem hann telur að eigi að taka til umræðu varðandi veiðar á Austursvæði. Umræður um þau atriði hafa farið fram áður í svæðisráði og eru sem fyrr skiptar skoðanir um þau.

c) Vinna við veiðimálin áfram

Niðurstaða eftir umræður var að boða til heilsdagsráðstefnu um veiðar á hálendinu, innan þjóðgarðs og utan, þann 17. mars nk með framsöguerindum og vinnuhópum. Þjóðgarðsverði falið að setja saman drög að dagskrá og senda út á svæðisráðið.

4. Önnur mál

a) Ársfundur á Austursvæði. Þjóðgarðsverði falið að kanna með ársfund 19. apríl.

b) Næsti fundur svæðisráðs ákveðinn 1. mars kl. 16.

Fleira ekki rætt og fundi slitið kl. 18.40.

Björn Ármann Ólafsson

Skúli Björn Gunnarsson fundarritari

Jóhann F. Þórhallsson

Sigrún Blöndal

Skarphéðinn G. Þórisson

Einar Kr. Haraldsson